

叢書集成續編 第二六二冊目錄

史地類



軍人別傳

足利將軍傳一卷·····

日 佐佐宗淳著

甘雨亭

一

藝術家別傳

六如居士外集一卷·····

清 唐仲冕編

昭代

三一

文學家別傳

陶靖節年譜一卷·····

宋 吳仁傑編

靈峯草堂

五三

山谷先生年譜三十卷·····

宋 黃 營撰

適園

六七

蘇穎濱年表一卷·····

宋 孫汝聽撰

藕香

一七七

杜東原先生年譜一卷·····

明 沈 周撰

雪堂

一九七

廣元遺山年譜二卷·····

清 李光廷撰

適園

二〇五

蘋叟年譜一卷續一卷·····

清 楊 峴自撰

吳興

二五九

太白國籍問題一卷·····

民 劉繼增撰

樸學齋

二七五

玉溪生年譜會箋四卷首一卷·····

民 胡懷琛著

求恕齋

二八一

白石道人年譜一卷·····

民 張采田編纂

遼海

四一一

稼軒先生年譜一卷·····

民 陳 思撰

遼海

四五一

四五九

清真居士年譜一卷附校記一卷

汪堯峯先生年譜一卷

隱逸別傳

漢管處士年譜一卷

后妃別傳

孝獻莊和至德宣仁溫惠端敬皇后行狀一卷附傳一卷

大清孝定景皇后事略一卷

陳張貴妃傳一卷

婦女別傳

綠珠傳一卷附翹風傳一卷

王翠翹傳一卷

貞婦屠印姑傳一卷

女官傳一卷

吳絳雪年譜一卷

蘇小小考一卷

銀瓶徵一卷

愍思錄一卷

寸草廬贈言十卷

疏香閣遺錄四卷

松筠閣遺錄四卷

愁思集一卷

民 陳思撰

民 鄭文焯撰

民 趙經達輯

遼海 四八七

又滿樓 五〇七

清 管世駿編

求恕齋 五二九

清 清世祖撰

松鄰 五四九

清 金之俊撰

松鄰 五六七

清 紹英撰

香鄰 五七三

□ 不著撰人

宋 樂史撰

香鄰 五七七

清 余懷撰

香鄰 五八一

清 羅有高撰

香鄰 五八二

清 屈大均傳

香鄰 五八三

清 俞樾撰

香鄰 五八五

清 梁紹壬撰

香鄰 五八八

清 俞樾撰

武林掌故 五八九

清 樂立本撰

屏廬 五九七

清 張嘉祿輯

四明 六一一

民 葉德輝撰

卽園 六七三

民 金武祥輯

江陰 七三七

民 張伯楨撰

滄海 七六三

足利將軍傳

2624b 98.5

足利將軍傳

引用書目

尊卑分脉

足利家傳

喜連川判鑑

鹿苑院殿薨葬記

天地根元歷代圖

和漢合運

鎌倉大草子

甘雨亭叢書

足利將軍傳
引用書目

一

勢州軍記

舟木系圖

禪秀記

湘山星移集

足利系圖

武家補任

康富記

花營三代記

赤松系圖

皇年代畧記

飛鳥井雅世富士紀行

釋堯孝富士紀行

劫濁發心略一名一見衛槐抄
一名應仁略

東寺過去帳

文正年代記

永祿年代記

結城戰場記

東亂記

甘雨亭叢書

足利將軍傳
引用書目

二

永享記

武田系圖

沙門齋英所記大日本傳皇代記

得平記

應仁外記

赤松記

嘉吉記本藩安積三
郎衛門所藏

年代記殘編

略年代記

龍派吊義勝公詞

佐佐木系圖

皇記

富樫記

卧雲日件錄

足利官位記

古河系圖

京都將軍家譜

長錄記

甘雨亭叢書

足利將軍傳
引用書目

三

長錄寬正記

義就與伊勢備中守赤松民部少輔書

續神皇正統記

上月記

赤松再興記

季璦日錄

應仁記

將軍執權次第

應仁別記

土岐系圖

京華集

親長記

長享年後幾内兵亂記

加越鬭爭記

義尚公終焉記

文錄清談

燕談治要

文明五代記

甘雨亭叢書

足利將軍傳
引用書目

四

關東兵亂記

北條五代記

異本年代記拔萃

應仁後記

安西軍策

義尹與卜山書

南都興福寺英俊日記

三川分流記

年代記殘編

26246 981

南都春日社若官神主祐維日記

甲陽軍鑑

關東兵亂記

信長記

老人雜話

毛利軍記

遊佐長教與二本牛介書

萬松院殿閣雜記

穴太記

甘雨亭叢書

足利將軍傳
引用書目

五

藤原前久悼源義晴辭

元就記

織田軍記

毛利家記

三好亭回駕記

尼子系圖

光源院殿諸役付

里見系圖 房州延命寺所藏

里見系圖 房州密藏院所藏

年代記 高岡連奉三味院所藏

朝倉記

義昭興廢記

信長家譜

三好系圖

秀吉家譜

以上九十四部

甘雨亭叢書

足利將軍傳
引用書目

六

足利將軍傳

平安 佐佐宗淳子村著

足利義持 足利義量

足利義持征夷大將軍尊氏曾孫太政大臣義滿子。尊氏應永元年十二月首服。義滿加之。參議重光。姓。理髮。叙正五位下。任左近衛中將。為征夷大將軍。二年六月。叙從四位下。三年正月。兼美作權守。四月。叙正四位下。九月。任參議。四年正月。進從三位。三月。任權中納言。五年正月。叙正三位。足利家傳。十一月。鎌倉管領從三位左兵

甘雨亭叢書

足利將軍傳

衛督源氏滿覺子滿兼嗣。喜連川判鑑。是歲。改執事為管領。尊卑分脈。六年十月。大內義弘反。據堺浦。前將軍義滿遣使諭之。不從。義滿自將諸軍。陣八幡。遣管領畠山基國斯波義將細川賴元等擊之。鎌倉管領滿兼土岐詮直等通謀應義弘。率兵出武藏。十二月。諸軍攻義弘。斬之。其子持世降。喜連川判鑑。七年正月。叙從二位。足利家傳。二月。以足利莊與滿兼。滿兼釋兵歸鎌倉。喜連川判鑑。八年三月。任大納言。九年正月。叙正二位。十一月。叙從一位。足利家傳。十二年。罷畠山基國。以斯波義重為管領。十三年正月。前管

領畠山基國卒。尊卑分脈。八月。兼右近衛大將。十四年正月。為馬寮御監。足利家傳。十五年五月。從一位前太政大臣源

義滿薨。北山第勅贈太上天皇。義持辭不受。足利家傳。分脈。應永元年。明主遣使祭義滿。天地根元。十六年七月。殿薨。葬記。

鎌倉管領從四位左馬頭兼左兵衛佐足利滿兼卒。子持氏嗣。喜連川判鑑。義持任內大臣。足利家傳。是歲。罷斯波義重。以其子義淳為管領。十七年。罷斯波義淳。以畠山滿家為管領。尊卑分脈。十八年七月。擊飛騨國司藤原尹。纒平之。和漢。十九年五月。辭右近衛大將。為院執事。八月。賜兵

甘雨亭叢書

足利將軍傳

伏。十月。為淳和院將學院別當。源氏長者。足利家傳。是歲。罷畠山滿家。以細川滿元為管領。尊卑分脈。二十二年。伊勢國司源滿雅反。義持弟義嗣應之。義持遣伊賀伊勢兵擊滿雅。鎌倉大草子勢州軍記。二十三年十月。鎌倉前執事上杉禪秀反攻管領持氏。持氏防戰不利。奔駿河。執事上杉憲基奔越後。禪秀奉持氏弟持仲立之。持氏叔父滿隆嘗子養持仲。故又應之。喜連川判鑑。禪秀義嗣又應之。謀襲室町第。義持遣兵捕義嗣。幽之于林光院。義嗣薨。髮號道繩。鎌倉大草子。十二月。遣山名時熙救持氏。使令

川範政帥師。納持氏于鎌倉。二十四年正月。諸軍與禪秀戰于伊豆相摸之間。大破之。滿隆持仲禪秀等自殺。持氏歸于鎌倉。擊餘黨而平之。禪秀記喜連川判鑑。山星移集。鎌倉大草子。二十五年正月。殺義嗣。足利系圖。鎌倉大草子。五月。從二位前大納言源滿詮薨。足利系圖。足利家傳。尊卑分脈。是歲。以澁川義俊爲鎮西探題。武家補任。二十六年九月。義持辭內大臣。足利家傳。二十七年九月。義持疾。或謂醫高天爲咒詛。義持遣人捕繫獄。又幽陰陽助定棟。十月。流高天於讚岐。康富記。二十八年七月。管領細川滿元請罷職聽之。八月。再以畠山滿

甘雨亭叢書

足利將軍傳

三

家爲管領。花營三代記。尊卑分脈。三十年三月。辭征夷大將軍。子義量爲征夷大將軍。四月。義持薨。足利家傳。三十一年二月初。義持赦上杉禪秀子憲秋。憲朝居將府。持氏憾之。寢爲隙。至是。義持追二人。而通和持氏。遣江戶遠江守謝之。喜連川判鑑。花營三代記。三十二年二月。征夷大將軍義量卒。足利家傳。三十四年。赤松滿祐其祖則祐以來。領播磨美作備前三國。至是。義持寵貞範孫越後守持貞。遂以三國與之。故滿祐怨訴不已。自燒其宅。走還播磨。義持將遣兵擊之。諸國兵皆集京師。既而諸將惡持貞恃寵驕奢。

固請赦滿祐。殺持貞。義持不得已。從諸將所請。十一月。令持貞自盡。赦滿祐至京師。赤松系圖。正長元年正月。薨。年四十三。稱勝定院。皇年代畧記。足利家傳。贈太政大臣。足利子義量先卒。弟義教立。尊卑分脈。足利系圖。足利義量義持子。應永二十四年十二月首服。義持加之。叙正五位下。任右近衛中將。聽禁色昇殿。始讀書。三十年三月。爲征夷大將軍。三十一年正月。累進正四位下。足利家傳。十月。任參議。三十二年二月卒。年十九。足利系圖。號長德院。長祿元年二月。贈左大臣從一位。足利家傳。

甘雨亭叢書

足利將軍傳

四

贊曰。足利義持受天下平定之後。四海無事。萬民艾安。府僚守職。無所增損。可謂守成之美也。義滿曾愛義嗣。殆有廢嫡之意。然義持無一毫望之色。義嗣謀反。措不問。至再反。則不得已而殺之。孝友之至也。及義滿薨。固辭太上天皇之號。非知臣子之分者。豈能如此耶。定上杉禪秀之亂。納持氏於鎌倉。得愛親馭下之道。然晚年不能制赤松滿祐強暴。及義量卒。約以持氏爲嗣。義持薨。而管領變約立義教。遂致關東之亂。非復不能制強臣之故耶。子孫遂遭弑逆。履霜之漸。非一朝一夕之故。

室町氏之不振。職之由。義量嗣爲大將軍。而早卒。其治未可知。豈不惜乎。

足利義教 足利義勝

足利義教。義滿第三子。初爲僧名義圓。爲青蓮院門主。准后天台座主。任大僧正。尊卑分脈。正長元年正月。義持薨。初。義量卒。義持約以持氏爲子。至是。管領畠山滿家等。忌持氏難制。更撰所立而不決。至石清水。探策祠前。奉義圓爲嗣。三月。返初服。改名義宣。叙從五位下。任左馬頭。四月。叙從四位下。喜連川判錄。罷畠山滿家。再以斯

甘雨亭叢書

足利將軍傳

五

波義淳爲管領。尊卑分脈。永享元年三月。首服。尾張守畠山持國加之。阿波守義慶。姓開。理髮。聽禁色。任參議。兼左近衛中將。拜征夷大將軍。改名義教。任權大納言。叙從三位。八月。兼右近衛大將。十二月。叙從二位。二年正月。爲馬寮御監。十月。叙從一位。三年十二月。移居室町第四。年七月。任內大臣。八月。任左大臣。兼左近衛大將。仍舊。足利家傳。九月。至駿河。觀富士山。權中納言藤原雅世。權大僧都堯孝等從之。駿河守護今川範政迎之。藤枝驛。蓋爲窺東國也。飛鳥井雅世富士紀行釋堯。十二月。爲院

別當。爲淳和學兩院別當。源氏長者。聽牛車。足利家傳。是歲。罷斯波義淳。以細川持之爲管領。尊卑分脈。五年八月。辭右近衛大將。足利家傳。先是。命大內持世擊少貳。名持世斬之。送首京師。梟之六條河原。東寺過去帳。六年。以澁川教直爲鎮西探題。武家補任。十二月。出兵志賀。攻延曆寺。文正年。代記。七年二月。捕延曆寺僧。乖違以下數人。斬之六條河原。餘黨縱火中堂自死。文正年。九年十月。賜兵仗。足利家傳。十年五月。去年遣細川持常擊大和賊。賊據多武峰。至是。國民越智箸尾攻拔之。遂燒多武峰。文正年代記。永祿年代記。

甘雨亭叢書

足利將軍傳

六

八月。先是。鎌倉管領持氏與義教有隙。縣官公田。將府奉邑。在關東者。悉奪之。執事上杉憲實諫之不聽。將舉兵殺憲實。憲實訴之。義教奏請下詔賜錦旗。命東國諸將討之。詔曰。從三位源持氏累年忽諸朝憲。近日擅興兵。匪啻失治於關東。此知致叛於上國。天誅不可遁。帝命何又容。速命虎豹武臣。拂豺狼賊徒。結城戰場記。東亂記。義教令上杉持房擁錦旗。將兵東征。喜連川判錄。九月。辭左大臣。足利家傳。諸將與持氏戰于早川尻。大破之。持氏退陣。海老名。十一月。諸軍入鎌倉。持氏子義久及稻村滿貞

走報國寺自殺持氏聞之還鎌倉居稱名寺諸將移之
 永安寺十一年二月義教命殺持氏二子春王安王逃
 于二荒山李子永壽王逃于信濃喜連川關東悉屬憲
 實召弟清方於越後爲管領自是關東受制京師喜連川
 戰場記十二年三月結城氏朝迎春王安王舉兵據其
 城別使野田右馬助矢部大炊助等據古河城爲聲援
 關東管領上杉清方遣武藏國司固廳梶性順長尾景
 仲擊之新田田中佐野桃井等起兵上野據高橋城四
 月守護代大石憲重攻拔之清方持朝發鎌倉東北諸

甘雨亭叢書

足利將軍傳

七

國之兵大集五月憲實亦出兵神奈川永享記結城戰
 先是遣細川持常世保持賴一色義範伊勢守護長
 野名安藝守護武田信賢等征大和諸將陣多武峰義
 教密使信賢持常長野殺持賴義範以兵間有備不果
 是月義教使人就堀川第召義範妻來蓋以其有安
 色也妻與中自殺使者亦自殺義教恐義範聞之遣使
 信賢殺義範別命持常長野殺持賴劫濁發心略記武
 歷代圖沙門荷英所田系圖天地根元
 記大日本傳皇代記七月性順景仲與一色伊豫守戰
 村岡大破之結城戰十月諸軍圍結城山內氏義出降

喜連川戰場記○山內結城是歲義教弟僧義昭叛奔日
 向起兵嘉吉元年二月使國人殺之三月國人襲之自
 殺送首京師天地根元歷代圖沙門四月清方督諸軍
 攻結城拔之氏朝光久舉族皆死之其下戰死者數萬
 人長尾豐景執春王安王小山小四郎執永壽王野田
 右馬助乘古河城而逃矢部大炊助戰死五月豐景護
 送三公子至美濃之垂井義教令殺春王安王于金蓮
 寺拘永壽王于美濃守護土岐持益家函送氏朝光久
 已下首二十九于京師梶之六條河原永享記結城戰
 場記喜連川判

甘雨亭叢書

足利將軍傳

八

鑑湖山星移集六月先是赤松滿祐自己殺族持貞領
 邑尤大稍張威福義教惡之常曰前將軍捨伊豆家之
 嫡而賜持貞固不可然貞村在豈滿祐之所專哉貞村
 詮則之嫡孫也持貞乃詮則第七子也遂密賜書貞村
 曰封汝播備作滿祐子敦康聞之語滿祐深憾之密爲
 反計至是請曰池島產雛願將軍來見及義教至滿祐
 第滿祐飾屋室設猿樂酒酣放旣馬逸中庭因閉門起
 伏舉坐錯愕不知所指義教爲安積行秀所弑京極高
 數山名熙貴土岐遠江守等皆見殺權中納言藤原實

雅亦被創大內持世等踰門而逃滿祐西奔至攝津葬
義教首於宗禪寺遂奔播磨得平記應仁外記赤松記
紛紜今從義教年四十八贈太政大臣稱普廣院足利
子義勝嗣次義政自有傳次政知次義視次義永爲左
馬頭政知義視別有傳系圖義教至滿祐第前日有小
人長二寸許見于室町第中設猿樂奏鶉飼衆怪視之
廼就執之四散不見纔得一人籠之不食而死方至滿
祐第適奏鶉飼其曲未終遭弑一色義範土岐持賴之
見殺也天下以爲冤而義教屢夢二人爲祟此日滿祐

甘雨亭叢書 足利將軍傳 九

第中臨水又見二人影云永享記結城戰場記切瀾發心略記
足利義勝義教子系圖嘉吉元年六月義教爲赤松滿
祐所弑義勝嗣立喜連川判鑑滿祐奔于播磨據書寫坂下
遣弟則繁於蘭原迎足利冬氏冬氏兄弟廼以兵五十
至滿祐推爲將軍赤松記七月火葬義教屍於等持院足利
滿祐送書管領持之請受兵自殺持之斬使者不報
八月勅持之曰滿祐教康行弑並亂人倫拒朝命於播
州招天吏之干戈其發軍行誅所以忠於國而孝於家
也赤松記遣細川持常赤松貞村武田信賢山名持豐山

名教清山名教之等討之持常貞村信賢自須磨明石
持豐等自但馬進隔端崎河布陣持常戴于滿祐故在
前軍使後軍不得進教清教之率因伯兵向城後持豐
渡河與諸軍合圍城山應仁外記八月義勝叙從五位下足利
傳九月諸軍攻城山拔之滿祐自殺傳首京師梟之三
條行賞與播磨於持豐美作於教清備前於教之應仁外記
嘉吉記赤松得平記閏月京師行德政使所借錢物并子母莫
還所質衣物財器亦不得出錢債諸國倣行良民不便
之怨訴日繁人始思亂年代記殘編二年二月始讀書

甘雨亭叢書 足利將軍傳 十

八月管領細川持之卒以畠山持國爲管領尊卑分限十一
月加首服叙正五位下任左近衛中將爲征夷大將軍
聽禁色昇殿三年正月叙從四位下七月卒年十稱慶
雲院贈太政大臣足利家傳義勝幼而喜馭遂墜馬而死龍
詞弟義政立喜連川判鑑
贊曰足利義教以緇流入嗣好兵嗜殺滅同姓殺羽翼
關東遂爲上杉氏之有取於彼與於是仁者不爲而況
於取諸同姓與諸異姓者乎不仁之甚也數出兵於四
方殺戮無辜殺一色義範而奪其妻水中之怪小人之

妖不可謂無餘殃。宜哉。為赤松滿祐所弑。可不戒哉。義勝幼而喜馭。遂墜馬而卒。古曰。善游者溺。豈不信乎。

足利義政 足利義尚

足利義政。義教第二子。幼名三歲君。足利系圖。○錄合。大草子。作三寶君。

今從嘉吉三年七月。義勝卒。無嗣。義政代立。喜連川。判鑑。九

月。前權大納言藤原有光友。乘夜卒。兵侵闕。取神璽寶。

釵。奉南朝皇子萬壽寺僧金藏主。者稱帝。據延曆寺中。

堂。僧徒攻破之。斬金藏主。賊棄寶釵於清水堂後門。天

皇避難于左大臣藤原房嗣第。納寶釵於禁庭。曆代圖。略年代

甘雨亭叢書

足利將軍傳

士

記。文安元年六月。美濃守護土岐持益殺其守護代戶

島。康富記。東寺過去帳。○土岐本書開名。今據尊卑分

戶。鳴徒募兵近江。入美濃。焚垂井。殺土岐族四人。七月。

近江南郡守護六角滿綱為其下所逐。康富記。○六角

二年正月。滿綱及子時綱率兵入近江。戰敗死。從兵

死者數百人。東寺過去帳。去帳。滿綱弟高賴嗣。系圖。十二月。初赤松

滿祐之被誅也。以明德之亂。滿則戰死。時赦滿則孫滿

直而赤松氏遺臣遂擁之。謀滅山名氏。自去年屢戰播

磨。敗死者數千人。至是滿直與父滿政自死於有馬。皇紀。

東寺過去帳。應仁外記。是歲。罷畠山德本。以細川勝元為管領。分三年七月。戶島徒與齊藤戰于美濃。死者數百人。九

月。富樫政親與族父安高爭。加賀守護職。屢戰其國。死

者數百人。東寺過去帳。作富樫兄弟。康富記作再叔父。安高。再叔父。蓋族父也。富樫記作祖父。未印

所適從。今從康富記。而康富記書繼。憶及次郎。不名。故召從富樫記。十二月。叙從五位

上。家傳。官位記。賜名義成。康富記。四年二月。叙正五位下。為侍

從。家傳。官位記。五月。先是富樫政親與安高爭職。管領勝元

素助安高。政親亦憑前管領畠山德本。請訴不已。至是

令二人分領國。康富記。秋。土民蜂起。鳴鐘私行德政。侵掠

甘雨亭叢書

足利將軍傳

士

京師。義成召兵諸國備之。自德政之行。姦民乘衆怒作

亂。白晝相率入人家。劫奪資財。遂至召兵卒禦之。而兵

卒入京。又暴良民。民益苦之。東寺過去帳。十二月。畠山德本

遣兵攻紀之北山。斬將圓胤。傳首京師。康富記。五年十二

月。義成為左馬頭。家傳。寶德元年正月。與持氏領邑於遺

子永壽王。改名成氏。東歸。以右京亮上杉憲忠為關東

管領佐成氏。古河系圖。喜連川判鑑。湘山星移集。鎌倉大草子。四月。義成元服。

武藏守細川勝元加之。陸奥守細川教經理髮。為征夷

大將軍。聽禁色。家傳。康富記。八月。叙從四位下。任參議。兼左

近衛中將傳家是歲罷細川勝元以畠山德本為管領傳。二年正月叙從三位三月任權大納言六月叙從二位傳家。三年九月義成納婦人言今斯波義捷逐尾張守護代織田鄉廣義健及甲斐美濃入道不奉令義成母聞之諫義成不聽遂遁于嵯峨德本等切諫不已義成從之義成母亦還第康富記將軍家譜。享德元年九月斯波義捷卒無子以族大野持種子義敏為嗣無何義敏為其下所逐移居東山應仁記劫濁發心畧記。是歲罷畠山德本再以細川勝元為管領傳家。二年三月叙從一位六月改名

甘雨亭叢書

足利將軍傳

三

義政十二月為淳和寺學兩院別當源氏長者傳家。三年四月畠山德本子義就與弟政長構兵都下洵河義政令諸將以兵衛第細川勝元山名宗全以黨政長故不至八月宗全勝元謀救政長攻德本德本燒其宅屏居建仁寺西來院義就奔伊賀衆謂德本與義就協謀事未可知也不如迎以濟事政長然之遣族阿波守迎德本德本還家政長迺移居德本家勝元使之謁義政然義政常憤宗全勝元黨政長不聽勝元不自安託罪家臣磯貝斬之以謝十一月義政將誅宗全召兵第中欲

俟相國寺鳴鐘而發勝元以宗全之婚不欲與事俄逃東山五大堂義政為罷兵勝元因請赦宗全宗全亦上誓書以謝罪於是令宗全退居但馬留子教豐居京師讚岐守細川成之世與赤松氏善至是赤松氏遺臣賴成之請自起兵取其故邑義政許之遂遣赤松則尚於播磨密託以誅宗全十二月則尚西下亡何播磨作皆屬則尚長祿記長祿寬正記應仁外記劫濁發心畧記康富記足利成氏殺關東管領上杉憲忠於鎌倉西門康正元年正月長尾昌賢迎憲忠弟房顯於越後為主據上野境出兵攻鎌倉義

甘雨亭叢書

足利將軍傳

四

政亦命駿河守護今川範忠擊成氏戰數年成氏遂敗走古河義政令房顯移山內鎮關東自是關東大亂國郡靡弗被兵喜連川判鑑永享記鎌倉大草元二月宗全入播磨若普當山五月攻壇特山不克會子是豐在室山為則尚所圍迺引兵救室山則尚解圍而走壇特兵亦聞之潰去則尚至備前自殺宗全遂入京義政不之罪應仁外記得平記六月義政召還義就於是政長不得在京師遂出奔勝元不得救義就奉綸旨擁義政旗以討政長於河內而以紀河泉兵多從政長屢戰不能克劫濁發心畧記義就與伊勢備中守

赤松氏討。七月。關東函送石堂一色世良田里見首于
義政第蓋從成氏舉兵者也。康富八月。義政兼右近衛
 大將。二年正月。為馬察御監。家傳長祿元年六月。以澁川
 義鏡為關東探題。銚倉大十二月。遣令政知於伊豆。鎮
 關東。尊卑分旺錄二年二月。義政使斯波義敏還京。其
 下不奉命。請以治部少輔澁川義廉。襲斯波氏。義政許
 之。應仁記。應仁外記。却濁發心略記。七月。義政任內大臣。家傳八月。先是
 赤松氏遺臣殺南朝二王子。取神璽不成。至是又說古
 野遺民得神璽。進之朝廷。帝下詔赦赤松政則。政則時

甘雨亭叢書

足利將軍傳

五

五歲。曰二郎法師。義政與加賀之河北石川二郡。備前
 之新田。出雲之宇賀。伊勢之高宮。應仁外記。續神皇正
 記。得平記。皇年代略。三年六月。政則兵入備前。山名敘
 之守兵拒之與戰。義政下令受代。赤松再興記。十月。政則兵
 又入加賀。守護富樫政親家臣岩屋集兵與政則兵戰。
 義政令詰赤松家臣。對以彼來擊。不得止應之。季璫日
 錄。不書富樫名。今據寬正元年二月。地震。比年旱風水
 加。以兵役。天下凶荒。道殣相望。而義政常事奢侈。遊飲
 自如。脩營第沼。令四方致奇樹巨石。下不堪命。帝憂之。

賜詩曰。殘民爭抹首陽薇。處處閑爐鎖竹扉。詩興吟
 春二月。滿城紅綠為誰肥。義政為龍役。天地根元三月。
 捕捕氏在吉野者。悉殺之。本傳八月。義政任左大
 臣。足利九月。先是畠山義就。致花木於室町第。而適枯。
 時方禁殺。而有告義就。按鷹郊外。義政聞惡之。至是赦
 政長。使伊勢負親飯尾下總守。譴責義就。退居領邑。義
 就乃卒。兵南下。政長代入義就家。義政遣政長擊義就。
 義就城若江防之。政長陣于龍田。義就遣兵襲之。政長
 逆戰大破之。義就走據嶽山。更城烏帽子像。國見山。寬

甘雨亭叢書

足利將軍傳

六

弘。觀真。金胎。觀正四寺。以為拒備。政長進入河內。又進
 陣于弘川。與義就相持。長祿記。長祿寬正記。將
 軍家譜。却濁發心略記。二年正
 月。義就出兵奪糧。與政長兵戰。太子河原。六月。義就襲
 弘川營。政長逆擊破之。兩途所斬獲首三十餘于京師。
 八月。義政辭右近衛大將。長祿寬正記。三年四月。命細
 川成之。山名是豐。武田信賢。北畠教具等。援政長。攻嶽
 山城。應仁外記。九月。伊豫守護河野通春反。遣大內教
 弘擊之。教弘卒于陣中。土民蜂起。使所司代多賀高忠
 討之。陸奧人伊達成宗來朝。長祿寬正記。十月。土民入七條

禪佛寺使赤松政則擊平之。李璣四年四月。政長攻破

嶽山城。義就奔于吉野。長錄五年正月。政長振旅入于

京師。長錄三月。義政遊于花頂山若王寺。大原野等觀

花時。將士驕俗。相伴衆以黃金爲箸。供衆以檀沈爲之。

其競爲華靡如此。由是上下罷敝。皆質領邑。費財破產。

賦役無制。百姓止耕。餓莩盈塗。近江塩津人熊谷某世

事將府。視世將亂。上書諫之。義政大怒曰。其言雖善。不

在其位。而謀其政。罪在不赦。收其領邑。應仁七月。義政

爲院執事。尋賜兵仗。足利家傳十一月。罷細川勝元。以畠山

甘雨亭叢書 足利將軍傳 七

政長爲管領。長錄寬正記。義政准三宮。足利家傳。前管領細

川勝元遣兵於伊豫。擊河野通春。義政令大內政弘援

勝元。長錄寬正記。義政年已三十餘而無子。謂人生無幾。不

若使弟僧義尋還俗讓職。而優遊終年。十二月。遣使於

淨土寺。告之義尋。固辭不從。義政又贈書誓曰。自後生

男。則宜爲僧。我若食言。神祇有罰。義尋乃棄衣鉢。還本

服。入于今出川第。改名義視。以細川勝元爲傅。系國家傳。應仁

六年十一月。義政夫人藤原氏生男子。已而悔義視

爲嗣。謂山名宗全當世老成。諸將爲婿。威權無比。宜託

以孤。乃親作書贈之曰。我年過三十。而偶得兒。託諸桑

門。何悲若之。乃送致君。進退存亡。惟君所計。宗全諾之。

應仁十二月。斯波義敏賴伊勢貞親。請歸京師。義政許

之。義敏廼入將府。應仁外記文正元年正月。足利成氏與上

杉顯房相持于武藏五十子。喜連川判鑑四月。義政罷斯波

義廉。尾張越前守護職。以義敏代之。遣使曰。宜以宅屋

附義敏。義廉不奉令。集兵自守。山名宗全有嫁女於義

康約。以故義康告之宗全。宗全大怒。與土岐成賴一色

義直六角高賴等諸將。結黨爲防禦之備。訴伊勢貞親

甘雨亭叢書 足利將軍傳 八

罪。貞親奔于近江。義敏奔于北國。賜貞親食邑於其子

貞宗。京師傳言。義視亦黨義廉。義政聞疑之。義視懼避

之細川勝元宅。五月。義政遣藤原勝光迎義視。還勝元

守衛之。應仁外記九月。山名宗全賴義政夫人。請赦畠山義

就。義政許之。十一月。義就入于京師。應仁元年正月。山

名宗全謀罷畠山政長。用畠山義就。細川勝元素助政

長。宗全率共黨圍室町第。移車駕于此。訴勝元助政長。

義政廼遣使勝元。不得助政長。勝元不奉令。浮言沸騰。

第中爲守禦之備。義政下令。諸將不得發兵。獨使政長